

Headlines

- उमर अब्दुल्ला हुंदे कल मुखमंत्री दे ओहदे लेई शपथ ग्रहण समारोह गितै तैयारियां मुकम्मल। श्रीनगर दे शेर-ए-कश्मीर अंतरराष्ट्रीय कन्वेंशन सेंटर च सुरक्षा दे निग्गर बंदोबस्त।
- प्रधानमंत्री नरेंद्र मोदी होरें डिजिटल टेक्नोलाजी लेई कुल संसारी ढांचा विकसित करने दा आहवाना कीता ऐ।
- विदेश मंत्री डॉ. एस जयशंकर होर दऊं दिनें दे पाकिस्तान दौरे पर इस्लामाबाद पुज्जी गेदे न। कल ओह एससीओ दे शिखर सम्मेलन च शिरकत करंगन।
- राष्ट्र अज्ज साबका राष्ट्रपति भारत रतन डॉ. ए.पी जे अब्दुल कलाम होरें गी उंदी जन्म जयंती दे मौके पर चेता करा'रदे न।

<><><><><><>

Swearing in Ceremony Security

जम्मू-कश्मीर च नमी सरकार दे गठन गितै शपथ ग्रहण समारोह लेई लोडचदियां सब्बै तैयारियां करी लैतियां गेदियां न ते श्रीनगर दे शेर-ए-कश्मीर अंतरराष्ट्रीय कन्वेंशन सेंटर, जित्थे एह समारोह होना ऐ, ओदे आले-दोआले दे इलाके च सुरक्षा दे निग्गर बंदोबस्त कीते गेदे न। नेशनल कांफ्रेंस दे उपप्रधान उमर अब्दुल्ला होर कल लग्गने आहले इस समारोह च जम्मू-कश्मीर दे नमें मुखमंत्री दे तौरा पर संगंध चुक्कडन। उंदे अलावा उंदी मंत्री परिषद दे मिम्बरें गी बी ओहदे ते राजदारी दी संगंधदा चुकाई जाग। उपराज्यपाल मनोज सिन्हा होर कल बड्डलै साइडे 11 बजे उनेंगी ओहदे ते राजदारी दी संगंध चुकाडन। इक सीनियर सुरक्षा अधिकारी नै जानकारी दिती ऐ जे कल्लै दे

समारोह लेई कीते गेदे निग्गर सुरक्षा प्रबंधं दी अज्ज समीक्षा बी कीती गई। उमर अब्दुल्ला होरें पिछले शुक्रवारें एल.जी होरें गी मिलिए सरकार बनाने दा दावा पेश कीता हा ते अपनी सहयोगी पार्टिं दे समर्थन आहली चिट्ठी बी उनेंगी सौंपी ही। पिछले म्हीने होए दे चुनां च एन.सी ते कांग्रेस दे गठबंधन नै 90 चा 48 सीटां हासिल कीतियां हियां जिंदे च एन.सी गी सब्बनें शा मतियां 42 ते कांग्रेस गी 6 सीटें पर जित हासिल होई ही जिसले जे बीजेपी नै 29 सीटां हासिल कीतियां हियां।

<><><><><><>

PM-WTSA

प्रधानमंत्री नरेंद्र मोदी होरें अज्ज नमीं दिल्ली दे भारत मंडपम च अंतरराष्ट्रीय दूर संचार संघ आई.टी.यू दी विश्व दूर संचार मानकीकरण सभा डब्ल्यू.टी.सी 2024 दा उद्घाटन कीता। WTSA डिजिटल टेक्नोलॉजी आस्तै संयुक्त राष्ट्र दी एजेंसी, विश्व दूर संचार मानकीकरण सभा दे मानक कारणें दा संचारण सम्मेलन ऐ। एहदा आयोजन हर 4 बरें च कीता जंदा ऐ। भारत ते एशिया प्रशांत क्षेत्र च एहदा आयोजन पैहली बारी कीता जा'रदा ऐ। विश्व दूर संचार मानकीकरण सभा इकक मशहूर वैश्विक आयोजन ऐ जेदे च 190 मुखें दे दूर संचार, डिजिटल ते सूचना ते संचार प्रौद्योगिकी क्षेत्र दे 3000 थमां मते उद्योगपति, नीति निर्माता ते तकनीकी विशेषज्ञ इक्क मंच उप्पर गै इकट्ठे हुंदे न। एह बक्ख-बक्ख मुखें गी 6-G, Artificial Intelligence, Internet of things, साइबर सुरक्षा ते होरनें महत्वपूर्ण विषयें पर चर्चा ते षै सले लैने लेई मंच प्रदान करदा ऐ। इस कार्यक्रम दे आयोजन कन्ने भारत गी वैश्विक दूर संचार एजेंडा ते भविक्ख दी प्रौद्योगिकी गी रस्ता दस्सने च महत्वपूर्ण भूमिका निभाने दा अवसर मिलोग। इस अवसर पर प्रधानमंत्री होर इंडिया मोबाइल कांग्रेस दे 8में संस्करण दा बी उद्घाटन करंगन। इस मौके पर बोलदे होई प्रधानमंत्री होरें आखेआ जे दूर संचार च एहदे सरबन्धी टेक्नालजी च माहिर ऐ ते भारत च 120

करोड़ लोक मोबाइल दा इस्तेमाल करदे न ते दुनिया दे कुल डिजिटल देन थमां 40 पीसदी भारत च गै हुंदा ऐ।

<><><><><><>

Prez. Algeria-Visit

राश्ट्रपति द्रौपदी मुर्मू जेड़ियां इसलै अल्जीरिया दे दौरै पर न, उनेंगी अज्ज अल्जीरिया दे अल्जीरियर्स च सीदी अब्देल्लाह विज्ञान ते प्रौद्योगिकी पोले विश्वविद्यालय नै पालिटीकल साइंस च मानद डाक्टरेट दी उपाधि दिती। अल्जीरिया दे उच्च शिक्षा ते वैज्ञानिक शोध मंत्री कमाल बदरी होरें राश्ट्रपति होरें गी एह उपाधि प्रदान कीती। इस अवसर पर श्रीमति मुर्मू होरें आखेआ जे एह डाक्टरेट दी उपाधि मेरे मुखै दा सम्मान ऐ। उनें गलाया जे भारत उनादि काल थमां गै समृद्धि ते शांति आस्तै खड़ोते दा ऐ। उनें इब्बी गलाया जे शिक्षा कन्ने ँर्को-की खत्म हुंदी ऐ ते सारें आस्तै गै इक्को ज्नेय अवसरें गी बढ़ावा मिलदा ऐ। उनें अल्जीरिया सरकार, उच्च शिक्षा विभाग ते छात्रें कन्ने भारत च ITEC कार्यक्रम च बाकी छात्रवृत्ति कार्यक्रमें दा लाह चुक्कने लेई बी आखेआ। राश्ट्रपति होर अपनी 3 दिनें दी जातरा लेई अज्ज अल्जीरिया च न।

<><><><><><>

Shah Narco Trade

गुजरात च 5000 करोड़ दी कोकीन जब्त होने दे इक्क दिन मगरा केंद्री गृह मंत्री अमित शाह होरें कल आखेआ जे नशीले पदार्थें दे कारोबाकरिणं खला। मुहिम बगैर कुसै लिहाज दे बरोबर चलदी रौहग। उनें आखेआ जे मोदी सरकार भारत दे युवाएं गी नशीले पदार्थें थमां बचाइये भारत गी नशमुक्त बनाना चाहंदे न। उनें गलाया जे ओह दिल्ली पुलस गी 13000 करेड़ दे नशीले पदार्थें गी जब्त करने लेई मुबारकबाद दिंदे न। इक्क सांझे अभियान च दिल्ली पुलस ते गुजरात पुलस

नै ऐतवार 5000 करोड़ रपे दी 518 किलो कोकीन गुजरात दे अलंकेश्वर च जब्त कीती। एहदे कन्नै गै 15एं दिनें च 13000 करोड़ रपे दे नशीले पदार्थ दिल्ली ते गुजरात च जब्त कीते गए।

<><><><><><>

India-Australia

भारत आस्ट्रेलिया दो जमा दो सचिव स्तरीय दी चौथी गल्लबात नमीं दिल्ली च होई। विदेश मंत्रालय दे मताबक भारतीय प्रतिनिधिमंडल दी अगुवाई रक्षा सचिव गिरिधर अरमाने ते विदेशी सचिव विक्रम मिसरी नै कीती। आस्ट्रेलिया पक्ष दी अगुवाई रक्षा विभाग दे सचिव ग्रेग मोटियारटी ते विदेश मामले ते बपार विभाग दे सचिव जान एडम्स नै कीती। मंत्रालय नै आखेआ जे इस दौरान राजनीतिक रणनीतिक, रखा ते सुरक्षा ते कन्नै आपसी हितें दे क्षेत्रीय ते वैश्विक मुद्दें पर चर्चा कीती गई। दोनें पखें हिंद प्रशांत क्षेत्रें च शांति, स्थिरता ते प्रगति दे अपने मकसद गी पूरा करने ते भारत आस्ट्रेलिया व्यापक रणनीतिक सांझेदारी गी अगगे बदाने आस्तै अपनी प्रतिबद्धता दोहराई।

<><><><><><>

LG-VC

इक महत्वपूर्ण प्रशासनिक कार्रवाई तैहत जम्मू-कश्मीर दे उपराज्यपाल मनोज सिन्हा, जेहड़े राजौरी च बाबा गुलाम शाह बडशाह युनिवर्सिटी ते कलस्टर युनिवर्सिटी जम्मू दे चांसलर बी ऐन, होरें प्रो. जावेद इकबाल ते प्रो. के.एस चंद्रशेखर होरें गी बिलतरतीब बाबा गुलाम शाह बडशाह युनिवर्सिटी ते कलस्टर युनिवर्सिटी जम्मू दा नमां वाइस चांसलर नियुक्त कीता ऐ। इंदी एह नियुक्ति अगले त्रऊं बरें लेई होग। आकाशवाणी दे जम्मू संवाददाता नै जानकारी दिती ऐ जे बाबा गुलाम शाह बडशाह युनिवर्सिटी कन्नू 2022 दी धारा 2, उपधारा 1 ते श्रीनगर ते जम्मू कलस्टर युनिवर्सिटी कन्नू 2016 दी धारा 12 उपधारा 1 तैहत हासल इख्तयारें दा इस्तेमाल करदे होई एल.जी होरें प्रो. जावेद

इकबाल ते प्रो. के. एस चंद्रशेखर होरें गी क्रमश इनें दउं युनिवर्सिटीं दा वाइस चांसलर नियुक्त कीता ऐ। इंदी नियुक्ति बारे नियम ते दिशा निर्देश बक्खरे तोरा पर जारी कीते जांगन। ध्यानजोग ऐ जे प्रो. इकबाल अलीगढ़ मुस्लिम युनिवर्सिटी च पच्छिम एशियाई ते उत्तर अफ्रीकी स्टडीज विभाग च प्रो. न जिसलै जे प्रो. के. एस चंद्रशेखर केरल युनिवर्सिटी च इंस्टीच्यूट ऑफ मैनेजमेंट च सीनियर प्रोफेसर न।

<><><><><><>

Jaishankar-SCO

विदेश मंत्री डॉ. एस जयशंकर होर दउं दिनें दे पाकिस्तान दौरें पर अज्ज दपैहरी इस्लामाबाद पुज्जे। ओह उत्थे शंघाई सहयोग संगठन दी 23मीं बैठका च हिस्सा लैने गेदे न। पाकिस्तान दी अध्यक्षता च एह बैठक कल लग्गा रदी ऐ। विदेश मंत्री होरें एह पैहले गै साफ करी दिते दा ऐ जे एह दौरा भारत पाकिस्तान दपक्खी सरबंधें बारे नेई शड़ा एससीओ दी बैठका च शिरकत करने लेई ऐ।

<><><><><><>

APJ-Abdul Kalam

अज्ज साबका राष्ट्रपति डॉ. ए.पी. जे अब्दुल कलाम हुंदी जनम जयंती ऐ। उंदा जम्न अज्जै दे रोज यानि 15 अक्टूबर 1931 गी तमिल नाडू दे रामेश्वरम च होआ हा। भारत दे मिसाइल मैनेजमेंट दे नां कन्नै मशहूर डॉ. अबुल पाकिर जैनउल आबदीन अब्दुल कलाम होरें ऐरोनाटिकल इंजीनियरिंग दे क्षेत्र च महारत हासल कीती ते देश दे पैहले स्वदेशी प्रक्षेपण यान तैयार करने च महत्वपूर्ण योगदान दित्ता। भारतीय अंतरिक्ष अनुसंधान संगठन इसरो दे प्रक्षेपणयान कार्यक्रम टकोहदा करिए पी.एस.एल.वी श्रृंखला दे प्रक्षेपण यान तैयार करने च उंदी भूमिका मती महत्वपूर्ण रेही। एहदे अलावा उंदा मुल्खै च तैयार गाइडिड मिसाइलां तैयार करने ते अग्नि ते पृथ्वी मिसाइलें

दे निर्माण विकास ते संचालन च उंदा टकोहदा योगदान ऐ। इन्ना गै नेई पोखरन दो परमाणु परीक्षण ते सामरिक मिसाइल सिस्टम ते मुख्यै च तैयार परमाणु हथियारें दे निर्माण च बी उंदा टकोहदा योगदान ऐ। उंदा शुमार ना शड़ा भारत, सगुआं दुनिया दे नामवर अंतरिक्ष वैज्ञानिकें च होंदा ऐ ते उनेंगी 30 युनिवर्सिटिं ते संस्थानें आस्सेआ आनररी डाक्टरेट दी उपाधि दिती गेदी ऐ। डॉ. कलाम सब्बनें शा बड्डे सिविल सम्मान भारत रत्न दे अलावा पदम भूषण ते पदम विभूषण कन्नै बी सम्मानित न। 2002 च ओह भारत दे 11में राष्ट्रपति बने हे।

<><><><><><>

PM-Kalaam

प्रधानमंत्री नरेंद्र मोदी होरें साबका राष्ट्रपति डॉ. ए.पी जे अब्दुल कलाम हुंदे जन्म ध्याड़े दे मौके पर उनेंगी श्रद्धांजलि भेंट कीती ऐ। अपनी इक सोशल मीडिया पोस्ट पर मोदी होरें लिखेआ जे साबका राष्ट्रपति हुंदी सोच ते नजरिया, मुख्यै गी 2047 तगर विकसित भारत बनाने दे लक्ष्य गी हासल करने च जरूर मदद करोग।

<><><><><><>

Kisthwar-Fire

जम्मू-कश्मीर नै सरबंधित एजेंसिं गी निर्देश जारी कीता ऐ जे ओह कल किश्तवाड़ च अग्ग लग्गने आली घटना दे प्रभावितें गी राहत ते मदाद पुजाने लेई मौके पर रौहन। जियां जे पैहले बी खबर दिती जाई चुकी दी ऐ जे जिले दे मालवाडवन गां च कल संझा अग्ग लग्गने दी घटना च कोई 70 मकान ते गवें दे 30 शैड ँ कोई गए हे। मकामी लोकें ते पुलस नै रलिए अग्गी पर काबू पाया हा। किश्तवाड़ दे जिला विकास कमिशनर राजेश कुमार शवन होरें प्रभावित परिवारें लेई 5-5 लक्ख रपे दा मुआवजा रेड क्रास ँ ड चा देने दा ऐलान कीता ऐ।

घटना च किश जनौर बी जख्मीं होए देन। राहत ते बचा कम्मैं च भारती ब्हाई ँज दे
हेलीकाप्टर बी मदद करा करदे न।

<><><><><><>

GoC Rajouri

ँज दी 16 कोर दे जीओसी लेफ्टिनेंट जनरल नवीन सचदेवा होरें कल राजौरी जिले च नियंत्रण
रेखा कन्ने लगदे कई अगेत्रे इलाकें दा दौरा कीता ते उत्थे तैनात सैनिकें दी कार्रवाई सरबंधी
तैयारिएं दा जायजा लैता। लेफ्टिनेंट जनरल सचदेवा होरें इक सामुदायिक अध्ययन केंद्र दा बी
उद्घाटन कीता जेहड़ा एलओसी कन्ने लगदे इलाके च स्थित ऐ। उनें झंगड इलाके दा बी दौरा
कीता ते उत्थे सेना दे ठकाने दा बी मुआयना कीता। व्हाइट नाइट कोर नै सोशल मीडिया
प्लैटफॉर्म एक्स पर इस बारे जानकारी सांझी कीती ऐ। जीओसी होरें उत्थे तैनात सैनिकें दे जज्बे,
निष्ठा ते पेशेवराना रीं दी सराहना कीती जेदे दिन रात कुसै बी चुनौती कन्ने निब्बड़ने लेई तैयार
रौहंदे न।

<><><><><><>